

Mosse

Venerà un batticore, a spiritualità
Venerà a tragettoria, Alleluia
Aioccine à mette tuttu sottu sopra
Per un' altra umanità.

L'odore di l'erba croscia dopu una bella acquata
E lenze ingiallite, a terra suminata
Muscu di caffè, una tavulinata
Di sè, di tè, di què, di tuttu m'innamoru.

Venerà un batticore, a spiritualità
Venerà a tragettoria, Alleluia
Aioccine à mette tuttu sottu sopra
Per un' altra umanità.

Ombralume sò tracciati li cuntorni
Unu à unu allegnati sò li forni
Vinu è noce, allegria è cusì sia
Sottu voce omu s'ampara la via.

Un ghjornu aghju vistu un omu chì per istrada caminava
Si purtava tanti sachi è solu solu caminava
Scusate, aghju dettu,
Amicu induve andate cusì d'un bon passu è bellu cum'è un rè
Vò à circa l'eternu, ora ne cunnoscu la via

È girendu, è girendu, è ci pensu, ci ripensu
È tandu capiscu l'omu chì senza scopu si n'andava
Versu un megliu campà è d'un passu sicuru. Liberu
U rimitu s'innamora da un raiu di sole
È caminendu m'innamoru di tuttu.

Lalalala...

Venerà un batticore, a spiritualità
Venerà a tragettoria, Alleluia

Aioccine à mette tuttu sottu sopra
Per un' altra umanità,
Un' altra umanità.